

ناس
محطوط
عليها
نور مانجا



نَاسٌ مَحْطُوطٌ عَلَيَّهَا

قصص قصيرة واقعية

نور مانجا



إهداء

إلى من جعلوا حياتي أفضل..

إلى ابنتي القادمة (تويا)..

مقدمة

تربيتُ في حجر جدة من زمنٍ جميلٍ، كانت لها عبارة خالدة دائمًا ما ترددها على مسامعي (اللي يشوف بلاوي الناس تهون عليه بلوته).

وورثت منها حب الاستماع إلى أوجاع الناس ومشاركة الأهم لأنها أسرع طريقة لتخفيف ألمي الشخصي.

عندما تنزل إلى الشارع اترك أبواب روحك وعقلك مفتوحة واستمع لقصص الناس، ولا تترك شيئاً يمر عليك دون أن تأخذ منه عبرة.

بهذه الطريقة تتحول حياتك البسيطة إلى أكثر من حياة ستمر بتجارب الآخرين وتعيش أعمارهم.. فتكتب لحياتك خلودًا من نوع خاص بمذاق حياة الآخرين.

(1)

جميلة

هي فتاة لها من الجمال حظٌ كبيرٌ جعلها تستحق أن يُطلق عليها هذا الاسم وبجدارة (جميلة).

عندما ترى جميلة للوهلة الأولى تشعر أنها ملكت كل أدوات الجمال بلا منازع قوام ملفوف، وشعر أسود منسدل وبشرة رائعة خالية من العيوب بالإضافة إلى أنها حاصلة على تعليم جامعيٍّ من أسرة طيبة، إذا أين هي المشكلة؟

المشكلة أن جميلة أتمت عامها الثاني بعد الثلاثين ولم تتزوج بعد.

انتظر قبل أن تحدثك نفسك قائلًا إنه لا توجد مشكلة، وأن هذا حال كثير من فتياتنا في هذه الفترة، سأقول لك إن جميلة عندما تراها، أنت بنفسك ستقول إن هذه لا يجوز لها أن تحصل على لقب عانس، ولكنك إذا تحدثت معها لدقيقة واحدة ستفهم ماالذي جعلها تبقى بلا زواج حتى هذه السن.

حاولت أنا وكثيرٌ ممن يعرفون جميلة أن نقوم بتعريفها على بعض الشباب الصالحين للزواج، ولكنها ما إن نقول لها إن فلانًا عريسًا، أول سؤال ينطق به لسائها "هو عنده عربية؟".

وإذا كانت الإجابة بلا تصرف نظر عنه على الفور بغض النظر عن باقي مواصفاته مهما كان خلوقًا أو مهذبًا أو أيًا من الصفات الحميدة الأخرى. ذات مرة حكيت عنها لأحد معارفي علّما تعجبه فيقوم بخطبها هو شاب ممتاز يعمل مهندسًا في إحدى الشركات المحترمة، متدين ذو شخصية رائعة.

يوم اللقاء، كان الموعد في النادي كيفما شاءت هي وفي التوقيت الذي حددته بنفسها واتفق أنه ركن سيارته بالصدفة خارج النادي، وكنا ننتظره بالداخل عندما رآته قادمًا من بعيدٍ كان حديثها كالتالي:

- إمامم، لابس كاجوال بس مش ماركات، ياه ده اسمر أوي إيه القرف ده!

- معلش يا جوجو ده عشان شغله في الشمس.

- أه طيب لما نشوفه.

اقترب الشاب منّا وقبل أن يبادرنا بالتحية لم تمهله الفرصة لتقفز في وجهه بسؤالها:

- عربيتك فين نوعها إيه؟

فردّ عليها يبرود:

- معنديش عربية.

فقامت قائلة: عن إذنكم، أنا كنت ناسية ميعاد مهم.

بعد أن قامت ناداها قائلاً: "على فكرة انتي تاقهة أوي، ويمكن تشتري جرنال أهرام السيارات وتختاري منه عربية تتجوزها".

حاولت أن أعتذر له عن تصرفها فأجابني: ولا يهمك سيك منها تعالي اوصلك.

أجيبته متعجبة: توصلني؟!

- أيوة تعالي.

وعندما خرجنا، فوجئت به يفتح سيارة فاخرة فسألته متعجبة: هي دي عربيتك؟ طب ليه مقولتهاش ان عندك عربية؟

فأجابني قالي: عشان مش ده السؤال اللي كنت متوقعه منها.

- خسارة دي بنت حلوة.

- تغور بحلاوتها عشان عمرها ما هتجيني دي هتحب العربية.

فقلت في نفسي: "عمره طلع عنده جيب شيروكي ورانجلر جيب كمان، معلش بقى يا جميلة هارد لك.."

* * *

(2)

سواق توكتوك في نابولي

لا تدع الدهشة تأخذك قبل أن تعرف قصته.

في صباح صيفي حار، نزلت من متري بالإسكندرية لشراء بعض المستلزمات المنزلية، وبحثت بنظري عن إحدى عربات (التوكتوك) لهذا الأمر. تلك المركبات الصغيرة المزعجة، أحياناً تكون مفيدة، حتى وجدت إحداها.

-فتح الله من فضلك .

-اتفضلي يا مدام .

حتى هنا الأمر أقل من العادي ولا يستحق الاهتمام، ولكن ما دفع حواسي للانتباه بقوة، مكالمة هاتفية أجراها سائق التوكتوك دارت كالتالي:

- أيوة يا محمود ادبني امي بسرعة الدولي غالي.

- أيوة ياما وحشتيني أوي، أنا بعثلك فلوس طمنييني عليكي .

- أنا كويس بس ادعيلي هنا برد أوي .

- وبعدين قولنا لو رجعنا البلد مين هيسدد الدين والبلد كلها هتعلمنا
تريقتها ولو قولنا موتنا نسيب أهالينا تتبدل ليه ملهمش ذنب.

- وعملتوا إيه؟

- أبدأ، قعدنا هنا انا وصاحي ده بقالنا هنا خمس سنين بنشتغل اتهدلنا
أوي وجعنا ونمنا في الجوامع، وكل شهر كل واحد فينا يوفر ألف جنيه
يبعتهم لأهله، ده اللي بتقدر عليه.

- وهتفضلوا كده على طول يعني؟

- لحد مانسدد الضلوس اللي اتدفعتلنا والديون كلها، تصدقي بالله أنا
يبقى قدامي القطر وابقى هموت واركبه اروح اشوف امي ومرضاش
عشان منتكشفش، بيتي وحشي واخواتي ونومتي على رجل امي
العصرية، مكتوب عليا افضل متغرب في بلدي وانا بيبي وبين امي شريط
قطر لا قادر اركبه ولا قادر اعمل ندل واطنشن.

هذا السائق يدعى "حمادة الطلياني، اشتهر بهذا الاسم بين زملائه من
السائقين بسبب تلك القصة الغربية التي تاكدت فيما بعد أنها حقيقية،
وللأسف لن أتمكن من نشر صورته أو أي مما يدل على شخصه: خوفاً
من أن يعرفه شخص من أهله أو من بلده..

ترى كم من حمادة غارق في غربة داخل هذا الوطن؟ كثيراً ما سمعت
تعبير (الفقر غربة في الوطن) والآن فهمته جيداً.

* * *

- يوووه ياما ده التلج نازل وسادد السكك والنبي تدعيلي.

ألوه ألووووه الخط هيقطع معلش هكلمك تاني ما انتي عارفة الدولي
غالي.

لا أخفيكم سرّاً كاد الفضول أن يقتلني، حتى إني لم أستطع منع نفسي
من سؤاله عن الأمر .

- برد إيه يا اسطى؟ ده الجو نار.

ضحك وقال:

- متشغليش بالك أنا قصدي على إيطاليا .

- هي الحاجة في إيطاليا؟

- لا أنا اللي في إيطاليا.

- لا معلش والنبي فهمني من غير تريقة.

- والله ما بتريق، هحكيلك، أصل الحكاية إني من خمس سنين شباب
البلد كلهم جاتهم شوطة السفر إيطاليا وانا منهم وكان النفر بيدفع 30
ألف جنيه، وعشان احنا على أد حالنا، أمي باعت دهبها وذهب اخواتي
البنات والعجاموستين اللي حيلتنا واستلقت وجمّعهملي بالضالين.

- ها وبعدين ؟

- وبعدين زي ما حضرتك سمعتي، خدھم منا سمسار هجرة من بتوع
المراكب الخربانة ورمانا في وسط البحر. كنا 26 واحد مطلعش منا غير

4 بس منهم أنا وواحد صاحبي من بلدنا.

- وبعدين؟

بيكاديلي الإسكندراني

إذا كنت من رواد شواطئ العجمي، فأنت حتمًا تعرفه، هو رجل طاعن في السن، نحيل القوام، وبالرغم من سنه الذي لا أظنه أقل من ثمانين إلا أنه يتحرك على الرمال بخفة عصفور، حاملاً بضاعته التي تتكون من بعض الكتب رديئة الطباعة وكاميرا لمن يرغب في تخليد ذكرى على هذا الشاطئ، يطوف بهم بقدمين حافيتين على رمال عشقها منذ الوهلة الأولى.

"بيكاديلي" كما هو واضحًا من الاسم يحمل الجنسية الإيطالية، جاء إلى مصر منذ أكثر من أربعة عقود مع شاب في مثل عمره بغرض السياحة والترفيه، ولكن رحلتها طالت، فقد وقعا في غرام الإسكندرية وقررا البقاء فيها للأبد.

صديقه كان مصوّرًا محترفًا، فقرر أن يبدأ عملاً يدر عليه دخلًا، وصار من أشهر مصوّرِي الفوتوجراف في مصر، وراجت تجارته وأصبح اسمًا معروفًا.

(4)

سائق مصري

في موقف سيارات الأجرة، كنت أبحث عن سيارة تقلني إلى بيتي بالعجمي، وجدت أحد السائقين ينادي (عجمي بيطاش بس). اضطرت للركوب معه؛ نظرًا للزحام، على أن استقل سيارة أخرى بعد أن يصل إلى مقصده. كنت أبحث عن عربة تقلني إلى العجمي، وعندما امتلأت السيارة بالركاب وأصبحت جاهزة للسير، صاح فينا بطريقة مسرحية:

- كله نازل بيطاش يا خوانًا، أنا مبففش محطات مش عاوزين عطلة.

فأجابت إحدى الراكبات:

- يعني إيه يا اسطى مبتففش في محطات، هي طائرة ولا طيارة، أنا نازلة الماكس.

فأجابها السائق بصوتٍ مبحوح يشبه كثيرًا الأصوات الموجودة بأفلام الكارتون:

- خلاص مجتث على محطتك.

أما بيكاديللي، فلم يقوَ على فراق البحر فبقي طوال الأربعة عقود الماضية وسيبقى ما بقي عمره على الشاطئ لا يبارحه، يمارس حرفة بسيطة لا تأخذه بعيدًا عن البحر، وفي نفس الوقت تشيع شغفه أكثر وأكثر: فهو يلتقط بعض الصور البسيطة لمصيفين جاءوا إلى هذا الشاطئ. وعندما أصبح التصوير عديم النفع بعد انتشار الهواتف ذات الكاميرات، أصبح يبيع بعض الكتب رديئة الطباعة يقرأها ويبيعها، وقد فوجئت أنه قرأ معظم إصدارات جيلي من الشباب وكوّن فكرة عنهم، حتى إنه حلل شخصوهم كأنما يعرفها.

وعندما قلت له إن شبابنا يتقاتلون للفوز بتصريح سفر إلى بلدك وعندما لا يحصلون عليه يموتون غرقًا في قوارب الهجرة غير الشرعية، دمعت عيناه قائلاً: "وماذنب بلدكم أن كنتم لا تقدرونها حق قدرها".

هو يقف على شاطئ المتوسط، ويعلم أن بلده على الجانب الآخر، وأن آلاف الشباب يهلكون في سبيل الوصول إليها، ولكنه لا يريد الوصول إلى أي مكان أبعد من شواطئ الإسكندرية: فهي على حسب روايته (أجمل مكان في الدنيا).

حقًا أنا أغبطه على رأيه، وأتمنى أن أرى ما يراه.

* * *

لا أدري مالذي ذكّرتي بالفنان الراحل عبد الفتاح القصري عندما كان يصيح (خلاص تنزل المرة دي).

على كل حال ظننت أنه سيسرع في سيره وفق ما فهمت من أسلوبه في الحديث، ولكن ما إن تحركت السيارة أمتارًا قليلة حتى توقف فسأله أحدهم:

- خير يا اسطى؟

- لامؤاخذة هجيب سندوشتات، والا هي اللقمة خُرمِت.

أحضر بعض "الساندوتشات" من عربة على الطريق وما إن تحركنا حتى أمسك بهاتفه ثم تحدث كالتالي:

- ألوووووو واه احمو خد امك للدكتور.

وعلى ما يبدو أن هذا الحمو لم يسمعه جيدًا فقد أخذ يسب شبكات المحمول، وأغلق الهاتف وعاد يكرر اتصاله:

- ألوووووو واه ياحمو سامعني يابن الكلب بقولك خد امك للدكتور.

ومازال حمو لا يسمع ما يقوله فكرّر الطلب مرة أخرى:

- ألوووووو واه احمو امك طالع.

وألقي بالهاتف أمامه، وبعد أقل من دقيقة دقّ الهاتف وكان الطالب حمو:

- بتطلق امي يابا؟

- يعني أشمعي دي ال سمعها يابن المكتسة.

انتهى حوار حمو وأمه التي تسببت شبكات المحمول في طلاقها، فتوقف السائق مرة رابعة ليحضر شايًا، وبدأ الركّاب في التملل والتعبير عن ضيقهم ببعض الهمهمات فيما بينهم.

عاد للحركة أمتارًا قليلة وتوقف مرة أخرى:

- إيه يا اسطى؟

- لامؤاخذة معمل زي الناس محصووووور ياخوأنًا.

وقد كان.. توقف وقضى حاجاته وعاد للحركة حتى صاحبت إحدى الركابيات:

- نزلني يا اسطى.

- ما انا كنت واه ااقف كنت متنيل واه ااقف انتو غاويين عطلة.

المهم أن أحد الزبائن ضج وانفجر في وجه ذلك السائق:

- بقولك إيه يا اسطى إرحم أمي بقى واتحرك .

فأجابه ببرود متناه:

- الله يرحم والدتك، وانا مالي بيها يا أستاهة ااذ... مع كحتين وموسيقى تصوبرية من صوته.

وعدنا للحركة مرة أخرى على نفس الوتيرة: كل بضعة أمتار يقف لغرض معين رافضًا أي توسلات منا أن يتحرك سريعًا، حتى قام أحد الركاب بإخراج مطوأة ووجهها نحو السائق قائلاً:

- عليا الحرام لو متحركت ومشيت زي الناس لأغز أهلك دا انت سواااق
رمة.

وما إن سمعه السائق حتى صمت تمامًا، وتوقف عن السباب، وتحرك
بأقصى سرعة ممكنة.

وعندها قال الراكب جملة علقت بذهني: "مينفعش مع السواق المصري
غير كده".

* * *

(5) هي!! ولا أمها

سيارة جدي القديمة جعلتني في فترة ما، أحد رواد محال قطع غيار
السيارات، وهناك تعرفت على قصة أحسبها من الغرابية بحيث تستحق
أن تُروى عن شاب، هو رشدي شاب ثلاثيني العمر من حي شعبي يمتلك
محل قطع غيار سيارات، أي بلُغة أهل المناطق الشعبية (مرتاج). رشدي
حاله في البحث عن شريكة حياته حال معظم شباب المناطق الشعبية:
عندما يريد الزواج يبحث عن فتاة صغيرة بالعمر ساذجة حتى تتشكل
شخصيتها كيفما يشاء لا تدرك من خبرات الدنيا شيئاً.

وعندما وجدها لاقاني مهلاًلاً:

- باركلي يا أبله، لقيتها، حته بت مافهاش غلطة.

- ألف مبروك يا رشدي، لقيتها فين دي دا انت كنت حااطط مواصفات
صعبة أوي.

- كانت مستخبية وده اللي عجيني فيها .

- لا احكي لي.

- شوفي ياستي هي 16 سنة لسة طالبة في تانية ثانوي قطة مغمضة فعلاً
لدرجة ان حتى موبایل ممعهاش.

- طيب عظيم دي على كده ملاك.

- بتقولي فيها ملاك فعلاً، ده غير انها قمر، وفوق ده كله يتيمة ومنكسرة،
أبوها كان راجل طيب مات في حادثة وسابها هي وامها بس عايشين كويس
وقافلين باهم عليهم.

- أَلف مبروك يا ابو الرشد فرحتلك والله.

واشريت حاجياتي وقدمت له التهاني مع وعد بحضور زفافه على ملاك
البريء.

ومر شهران أو أكثر حتى صاححت سيارة جدي مطالبة بقطع غيار مرة
أخرى، فتوجهت إلى رشدي، وهناك وجدته حزينا مكفهز الوجه وقد خلع
دبلة الخطبة وراحت أصابعه تعبت بها أمامه ودار هذا الحديث:

- ازلك يا ابو الرشد؟

- أهلاً يا أيلة .

- خير يا ابني مالك؟

- ماليش، مالي على الله.

- إيه هي الموزة مزعلاك؟

- مش عارف!!!!

- يعني ايه؟

- مش عارف ازعل منها ولا ازعل عليها ولا ازعل من امها ..!

- وامها مالها ومال زعلك منها تكونش طلبت طلبات كتير زي أهل العرايس
ما بيعملوا؟

- والله يا أيلة ما عارف اقولك ايه، أصلها حاجة متتحكيش.

- ياسيدي قول احنا اخوات وجايز اعرف اساعدك..

- البننت دي كويسة جداً وانا لو سببها هخسر كتير بس لازم اسببها .

- مش فاهمة !

- تعرفي امها عندها كام سنة؟

- كام؟

- امها عندها 32 سنة يعني لسة في عزها.

- ومال سن امها بإنك تسبب البننت؟

- طيب اسمعيني للأخر من غير ما تقولي عليا قدر.

- حاضر .

- أنا في الأول كنت بروح ازورهم عادي واحد يوزور خطيبته.

- ها..

- والله ما كان قصدي ابص لأمها ولا أي حاجة من دي، بس في يوم رحنت
ازورهم وكانت البنت في درس اتخرجت وكنت هستاذن وهمشي البيت
مقهوش راجل وميصحش، الولية مسكت فيا وقالتي على ما تشرب
الشاي تكون البنت جت دخلت عملت الشاي وغبرت هدومها. لبست

(6)

جاري الحزين

لاحظت في بيتي الجديد أن الشرفة المجاورة لشرفتي دائماً ما تكون مظلمة ومهجورة، وباب الشقة أيضاً محطّل بالأتربة كأنما هجرتها الحياة منذ أمدٍ بعيدٍ.

وبالأمس فقط، وجدت النور مضاءً في الشرفة فدفعني فضولي للنظر لأجد رجلاً ستيئاً العمر يجلس بها وحيداً مع فنجانٍ من القهوة وصوت السيدة أم كلثوم خافتاً جداً يأتي من هناك.

في أول الأمر فرحت بالجيرة الجديدة التي يبدو أنها هادئة: فمن يحرص على جعل صوت الموسيقى خافتاً هو شخصٌ يتميز بالذوق الرفيع.

ركضت لأخبر زوجي أن لنا جازاً جديداً بالشقة المهجورة وأني سعيدة بهدونه.

ابتسم زوجي لسعادتي الطفولية، وجاء إلى الشرفة وفوجئت به يلقي التحية على الجار الهادئ.

حاجة كده ضيقة وشفافة وبصراحة كانت قاعدة مش على بعضها وانا يعني كلك نظر انا بني آدم لحم ودم .

- ها ياعم البيتي آدم .

- أبداً اللي حصل بقي كلك مفهومية .

المهم ان انا لما طلعت من عندها حسيت اني مخنوق ومتضايق وضميري بيأنيبي وقولت دي آخر مرة ارواح بيهم لحد ما اتجوز البت وربنا حلیم ستار .

- انت عارف ان كده ميقاش ينفع تتجوز البنت؟

- لا مكنتش اعرف، بس مرة شفت في التليفزيون فيلم شبه كده فرحت سألت واحد شيخ وقالي كده البت حرمت عليا .

- ها وناوي تعمل إيه؟

- مش عارف بقي، شوية اقول لنفسي ياض دي كانت لحظة شيطان وعدت متبوشش الجوازة، وساعات اقول طب هحط وشي في وش الولية دي تاني ازاى وانا بصراحة مش مستأمتها تبقي جدة عيالي، وكمان خايف من الحرمانية اعمل ايه يا أبلة دبريني .

- التداير لله، اقولك انت علاجك تتجوز امها .

- إنتي بتتريقي عليا، حقلك ما انا اللي وقعت في الغلط وخليت الشيطان يعلم عليا .

تري ماذا تفعل يا صديقي أنتركها أم تتزوجها أم تتزوج الأم؟

* * *

زوجي: مساء الخير يا حاج عزمي منور والله فينك من فترة؟

الجار: مساء الخير يا أستاذ، ألف مبروك على الجواز مع انها متأخرة.

عاد زوجي ميتسماً من الشرفة وأنا أتساءل في دهشة كيف تعرفه هكذا ولم أزه هنا من قبل؟ ولم تحك لي أن هذه الشقة مسكونة من الأساس؟

زوجي: دي قصة حب أجلى من اللي بتكتبيهم يا بنتي.

أنا: ازاي يعني؟

زوجي متأثراً: ياانور الراجل ده كانت له زوجة وأولاد وأسرة جميلة، وهو كان شاري الشقة دي بناء على رغبة المرحومة مراته لأنها كان نفسها يكون لها بيت قريب من البحر.

أنا: ها وبعدين؟

زوجي: أبداً، اشترائها الشقة دي وجهزتها بإيديها وعملت كل تفصيلة فيها على ذوقها هي

هو ساهبا تعمل كل حاجة على ذوقها عشان تكون سعيدة كأنه كان عاوزه يكافئها على تعيها معاه السنين دي كلها والأولاد الرائعين اللي خلفتهم وريتهم لحد ما بقوا يفرحوا العين ويسرروا القلب .

أنا: ها..؟

زوجي: في يوم وهما جاينين من بيتهم القديم لهنأ عملوا حادثة راحوا فيها كلهم ومفضلش غير هو بعد فقد رجله وبننت من ولاده.

وعشان الحياة لازم تستمر للمم جراحه وعاش عشان بنته وعلى ذكري مراته 7 سنين لحد البننت ما اتجوزت وسافرت برة وبقي وحيد. وعشان الإصابة اللي أفقدته رجله ووحدته، اضطر يتجوز عشان بلاقي حد يجيله كويابة مية وهو في السن ده.

أنا: فعلاً، كان لازم يتجوز.

زوجي: ورغم كل ده مقدرش ينسي حب عمره طول السنين دي وهو قافل الشقة دي ومحافظ على كل حاجة فيها زي ما كانت المرحومة عاملها بإيديها مافيش تفصيلة ولا مسمار اتحرك من مكانه من يوم الحادثة. ومنع اي حد يدخل الشقة أو يغير فيها، وكل ما توحشه أوي يعي هنا يقعد في البلكونة يشرب قهوة ويسمع غنوتها المفضلة "أغداً لثاك". ويطلب نفس الأكل اللي كانت بتحبه ويشرب قهوة وسيجارة في البلكونة وفي الفجر ياخذ عربيته ويمشي.

أنا: ياريت كل الناس تحب كده.

* * *

صاحبة الوشم الخليع

في طريقي من القاهرة إلى الإسكندرية، عادة ما أركب إحدى سيارات الميكروباس من ميدان الرماية، واليوم تحديدًا لسوء الحظ لم أجد إلا سيارة فارغة ليس بها راكب واحد؛ مما يعني أنني سأنتظر في هذه السيارة ما لا يقل عن ساعة وأكثر حتى تمتلئ بالركاب.

جلست أنتظر في مللٍ وأكاد أفقد عقلي من حرارة الشمس، انخفض ضغطي وأقاوم رغبتني في النعاس.

وفجأة انتبهت كل حواسي على ضحكة رقيقة لا أسمعها إلا في أفلام السبكي، ولكنها كانت ضحكة حقيقية، التفتُ لأرى مصدر هذه الضحكة، فوجدت كأننا هو أقرب ما يكون لفتاة في العشرين من عمرها، وجهها يصرخ بالكثير من الألوان التي تؤلم النظر وترتدي لاشيء تقريبًا إلا "بنطلون إسترتش" شديد الضيق والشفافية، وعلى ذراعها العاري وشم قبيح لفتاة عاربة وبصحبها فتاة لاتزيد عن سبعة عشر عامًا.

أنا بنت يتيمة وماليش حد غير اختي اللي اتجوزت، بس جوزها طلع ندل
وشغّلي انا وهي مع العرب. أختي معترضتش عشان بتحبه بس انا قرقت
وكان نفسي اطفش بس كان بهددني يرشني بمية نار لحد ما في يوم لقيته
جاي وجايب اخته الصغيرة دي معاه، لقيتها طفلة صغيرة افنكرته جايبها
نربها وتعيش معانا لقيته بيقولي عاوزك تعلميا الشغل.

بصراحة مقدرتش وزعقتله، حبستي في البيت انا وهي وضرب وتعذيب
لحد ما هريت منه انا والغلبانة دي.

القصة حقيقية على مسؤولية صاحبها.

* * *

جاءت هذه الفتاة تركض ركضًا لتركب في هذه السيارة. وطلبت من
السائق أن يتحرك بسرعة، فرفض السائق التحرك لأن السيارة مازالت
فارغة، فأخرجت الفتاة رزمة مالية ضخمة وألقت له بعض الورقات
تغطي تكلفة السيارة ذهابًا وعودة عشر مرات على الأقل،

فسألتهما السائق:

- عاوزينها مخصوص يعني انزل الأبله؟

فقالتا:

- لا خليها بس اتحرك بسرعة بسرعة الله يخليك.

تعجبت منهما، يبدو أنهما خائفان من شيء ما، ولكن كيف للخائف أن
ترن ضحكاته هكذا. وعندما أغلقت السيارة، تبين لي السبب؛ إنهما تحت
تأثير الخمر، فرائحة الخمر تسيطر عليهما.

بدأ السائق يعد نفسه للتحرك، فمدق هاتف الفتاة ذات الوشم:

- الو ابوة يا عماد انا خلاص عرفت اهرب ومش هتعرف تلحقني ولا
هتعرف مكاني ودنيا معايا ومش هرجعها للقرف بتاعكم، تاني وإذا كان
ضروري يعني نتاجر في لحمنا هنتاجر فيه بطريقتنا.

ما إن صممت الفتاة حتى ظهرت علامات التعجب على السائق وعليّ، بل
أظن أن مقاعد السيارة نفسها تعجبت.

لاحظت الفتاة تعجبنا فقالت:

- إيه مالكم كل واحد عنده ظروفه.

عائلة مختار سبرتو

مختار سبرتو أو كما يجب أن يعرف نفسه لأمثالي من الشباب، هو أحد سُكَّان شبرا الأصيلين. وقد اعتاد سكان الحي الشعبي على مناداته بهذا الاسم؛ لأنك عندما تراه تشعر أنه شبه غائب عن الوعي. يتحدث إليك بنصف عقل ونصف لسان، ولا أدري إن كان حقًا يتعاطى أحد أنواع المخدرات، أم أنها الدنيا أدارت رأسه من كثرة ما مرَّ عليه من ضيقي وفقرٍ حتى صار سبرتو لقبًا ومعنى.

يعيش في أحد الأزقة في حجرة مع أسرته المكوَّنة من ثمانية أولاد وزوجته (الست ياسمين) لم أتعجب من كثرة عياله مع فقره الشديد، ولكن ما يثير العجب حقًا هو أسماء أولاده.

السيد سبرتو له من الأولاد أربعة، ومن البنات أربع.

وقد أطلق على الأولاد الأربعة أسماء مضحكة هي كالتالي: "بلحة، قوطة، بصلة، رمانة" وهذا أقل ما في قصته من عجب؛ فأسماء البنات وترتيبهن هو العجيب حقًا فهي بالترتيب هكذا:

سوريا 17 سنة

إيران 16 سنة

فرنسا 13 سنة

أمريكا 11 سنة

وليس هذا فقط العجيب، ولكن الأعجب طباعهم فطفلته أمريكا أصغر بناته تشبه كثيرًا أمريكا الدولة؛ فهي طفلة متنمرة شقية لا تكف عن التعدي على أخواتها بالضرب والإهانة، وبالأخص سوريا التي تضرها أمريكا وتهينها وتجديها من شعرها، وما يكون من سوريا إلا أن تتوجه بالشكوى للأب الذي يرد على شكواها بأن يطلق كحة غليظة محملة بخيرات قفصه الصدري ويربت على أمريكا قائلًا في تغاذهل يشبه تغاذهل المجتمع الدولي: معلش يا أمريكا.

وعندما سألته: ليه كده ياعم مختار؟

حكَّ رأسه عائدًا بها للخلف كأنما يبحث عن إجابة، ثم سعل قائلًا: شوقي يا ست الكل، أما خلقت سوريا كنت أيامها لسة بحب عبد الناصر، وسميتها سوريا أهي حاجة من ريحة الوحدة العربية، وسميت اللي بعدها إيران عشان كنت بحبهم، ناس بتوع ربنا كده وحلوين، ولما لقيت الدنيا ملطشة معايا سميت الصغيرين أمريكا وفرنسا جايز ينوبي جانب من حظ أمريكا العالي، ويوم ما خلقت أمريكا جاتلي هدية صوباع حشيش قُلت البت دي رزقها واسع واتفانلت بيا.

- طيب وسميت الصبيان كده ليه؟

- لا أبدًا، دي خالتك ياسمين، كانت خايقة عليهم من الجسد.

- طيب ومعلمهمش ليه يا عم سبرتو؟

فأطلق ضحكة رقيقة قائلًا: قولي ياباسط، ماهو لامؤخدة حضرتك اتعلمتي استفتدي إيه؟!

مختار سبرتو إحدى شخصيات حي شبرا، وقد وافق على أن أكتب عنه تلك السطور بعد فاز بعلبة سجانر فاخرة.

* * *

سلوى

في بيت أحد معارفي، رأيتها، كان أهل البيت قد صار لهم وقتٌ يبحثون
عمن تتولى المساعدة في تنظيف البيت وخدمة الصغار، حتى وجدوا
سلوى.

هي وجه مصري تكوّنت ملامحها السمراء من خليط من لفحة الشمس
والشقاء تنم ملابسها ومظهرها العام عن فقر مدقع من ذلك الذي
يطحن العظام ويسوق المرض إلى الجسد، عندما رأيتها شعرت أنها في
الستين من العمر، مما جعلني أشفق عليها من عملٍ شاق كهذا، ولكن
عندما سألتها عن عمرها أجابت:

- عندي 39 سنة يا أبله.

- بس 39 سنة غريبة، شكلك كأن عندك 60 سنة.

- الشقا والغلب يا بنتي يجيب النبي آدم ورا.

- انتي عندك ولاد؟

- عندي ولد 21 سنة متخرج من سياحة وفنادق.

قالها وكأنما تريد أن تقول لي إن هذا الولد هو أهم إنجازاتها في الحياة.

- ولد بس؟

- لالالا عندي بنت متجوزة وولد في ثانوية عامة نفسي نفسي أدخله هندسة.

- طيب ربنا يغلي وبحققك أحلامك، بس يعني مفروض ابنك الكبير ده يشتغل ويساعدك .

- يشتغل بلا وكسة.

*ليه بس؟

- ولاد الحلال أول ما اتخرج جابوله شغل في فندق في سيتي ستارز بمرتب كبير أوي قوي بيجي 2000 جنيه، إشتغل هناك شهر واحد بس وساب الشغل.

- ليه بس؟

- بيقول عليهم ناس كفرة بيرموا أكل يشبع سوريا وأبصر إيه، الواد من ساعة ما جه من هناك نفسيته زفت وقاعد يبلع في برشام ويشرب في سجاير.

- برشام وسجاير ياخبر اسود وبيجيب فلوسهم متين؟

- مانا بديله أجرة يوم من الأربع يوميات اللي يقبضهم.

- بتديله فلوس ال نصفتي بيبا بيوت الناس وشقيتي عشان يجيب هباب!؟

- ده ضنايا ونفسه مكسورة يعني اسيبه يسرق، بكرة تعرفي غلاوتهم.

*- لايا ستي مش عاوزة اعرف.

- سلوي قولتيلي انتي جيتي هنا ازاي؟

- اه الجماعة دول كانوا ناشرين إعلان في الوسيط وابني بتاع السياحة ده هو اللي قرأه وقال لي لقيتلك شغل يا أمي.

- اسكتي يامسلوى احسن فاضلي ثانية واروح بيتك اولع في ابنك.

ترى كم من سلوي تعيش في مجتمعنا المريض الذي يفرح أشد الفرح بإنجاب الولد وتحمل عيوبه ويفضله على إنجاب ابنة، فالابنة في نظر سلوي عار، ترى ما هو تعريف العار في هذا المجتمع، عار أن تنجب بنتاً أم عار أن تنجب رجلاً يجلس في البيت منتظرًا مصروفًا من الأم ولا يهم مصدره.

ترى هل ابنتا الآخر الذي تحلم أن يدرس الهندسة سيكون مثل أخيه.

لماذا كان أجدادنا يفرحون بإنجاب الولد ويطلقون له الأغاني "لما قالولي ده ولد اتشد ضهيري واتسند اتشد بيايه واتسند على إيه"؟!

* * *

الله يحرقك ياسعيد

ست "أم حسني" سيدة مصرية أصيلة حتى النخاع، تحمل الجبال على كتفها وتدعو الله أن يعينها ونادراً ما تشكو.

تزوجت من سعيد هو رجل حاله مثل معظم ساكني الأحياء الشعبية لا هم له سوى الطعام والأنفاس التي يضيع فيها يومه.

سترت عيوبه وتحملت سلبياته وأنجبت له العديد من الأبناء، وقامت بدور الأم والأب؛ فقد كانت تعمل لتنفق عليهم وعلى أب كسول لا يبرح مكانه ولا يعيرهم اهتماماً.

لم تشك يوماً من ثقل حملها، ولم تعابره بسلبيته وعدم فائدته لأبنائه أو لها؛ فقد صبرت عليه؛ عملاً بالمثل الشعبي القائل "ضيل راجل ولا ضيل حيلة".

وعلى الرغم من عشرتهم الطويلة لم يكلف نفسه عناء شكرها أو جبر خاطرها بكلمة تزيح عنها عناء الزمن، ونسي أو تناسى أنها على قوة تحملها وصبرها هي في النهاية أنثى تنتظر كلمة طيبة من رجلها.

وفي أحد الأيام، كنت أجلس مع صديقتي التي تمتلك أحد محال "الكوافير"، ودخلت علينا أم حسني خجلة قائلة بصوت يملؤه الحرج: هو يعني يابنات نفسي في حاجة بس النبي ماتريقوا عليا.

فرحبتنا بها قائلين: لا يا ام حسني أوامري ماعاش اللي يتريق عليك.

- أصلي نفسي كده اعمل شعري ششمار وبقى سايح ونايح كده ولو مرة من نفسي يمكن الراجل يبصلي ولا يقولي كلمة حلوة من نفسي.

- ياخبر عنيئا..

وقامت البنات بتصفيف شعرها، حتى إنها كانت تنظر لنفسها في المرآة سعيدة كأنما طفلة تنتظر العيد وتحديث نفسها قائلة:

- إيه الحلوة دي يابت، النبي سعيد اما يشوفي هيتبسط خالص ومش بهيد يقولي اني صبغرتي واحلويت.

ولكن ما حدث خيب آمالها وأصابها بإحباط شديد، فما إن رآها زوجها حتى أصدر أصواتاً اعتراضية وصاح بها قائلاً:

- إيه ياولية اللي انتي عاملاه في نفسك ده، إنني اتجننتي ولا اتهرشتي في نافوخلك اني فاكرة نفسك ست..

شعرت أم حسني بطعنة في كبرياتها: فقد أهانها هذا الكائن على مرأى ومسمع من أولادها، فخرجت من البيت ولم تجد مكاناً تذهب إليه إلا أن تعود لنا في محل الكوافير مرة أخرى طالبة منا أن نعيد شعر رأسها إلى سيرته الأولى.

وأثناء انهمار الماء على رأسها كانت تبكي قائلة: عمره ما قالي كلمة حلوة دائماً كاسر بخاطري، يعني هيخس عليه حاجة لو قالي كلمة تجبر بخاطري.

وعندما أبدينا استياءنا منه تعاطفا معها، أجابت بكل نيل - ده برضه راجلي و ابو عيالي مستحملش عليه الهوا.

عزيزي الرجل المصري، إن الكلمة الطيبة صدقة وأولى الناس بها زوجتك وأهل بيتك، وهي لن تكلفك شيئاً..

رفقا بالقوارير يرحمكم الله.

* * *

حيرة!!!

هي "نشوى"، فتاة من حي شعبي تعمل في أحد محال وسط المدينة، وهناك التقت بمجدي، شاب مكافح يعمل في أحد معامل التحاليل، وربطت بينهما قصة حب تقليدية صبر كفاح ثم زواج، وكان زواجهما حقاً مثال الزيجة السعيدة التي يحلم بها الجميع، ولكن لأنه ليس هناك سعادة كاملة فقد مرت سنوات زُزقا خلالها بالمال وانتقلا من شريحة المكافحين إلى طبقة أخرى، ولكن كل هذا لم يغني عن وجود طفل يحرك صراخه جنبات البيت الساكنة بالحب الشديد لبعضهما البعض، ألغى فكرة الطلاق بعد ان اعياهم البحث عن دواء يجعلهما قادرين على الإنجاب ولا شريعتهما تسمح لمجدي بالزواج من أخرى، بالإضافة إلى أن الأطباء أجزموا لمجدي أنه من المستحيل أن يكون أباً لوجود عيب خلقي يمنعه من الإنجاب إلا إذا حدثت معجزة.

نسي مجدي ونشوى الأمر أو تناسوه وتعايشوا مع الواقع المرير متحملين نظرات الشفقة ودعوات الأهل والأصدقاء بحدوث تلك المعجزة. إلى أن حدثت بالفعل معجزة وأعلنت نشوى أنها تشعر بحركة في أحشائها.

(12)

ح

دق جرس الباب لتفتح سيدة عجوز تخطت السبعين ليباغتها شابٌ لجزق
قائلاً: مساء الخير يا حاجة، إحنا شركة مبيدات.

بدا الارتباك على السيدة التي لم تدرك حرفاً مما قاله الشاب، فوقفت في
مكانها كطفلة تائهة.

وعندما لاحظ الشاب ارتباكها وعدم إدراكها، استغلَّ ضعفها وأزاحها من
طريقه ودلف إلى الداخل، وعندما تأكد من خلو البيت إلا متها، حمل كل
ما استطاع حمله أجهزة حاسب محمولة وهواتف وبعض الفضيات
والمشغولات الذهبية.

وهي مازالت واقفة عند الباب غير مدركة لشيء، وانصرف الشاب مغلقاً
الباب خلفه تاركاً العجوز شبه الغائبة عن الوعي.

وعندما عاد أفراد الأسرة أدركوا أن لصاً دخل البيت وسرق بعض
المحتويات فكانت ردود أفعالهم كالتالي:

طار مجدي من الفرحة بالمعجزة واحتفلت به عائلته وأصدقائه ودبَّت
الحياة في وجهه من جديد، ولكن حدث أمر في يوم أطاح بفرحة مجدي
وجعله يتحول إلى مريض بالشك يرفض أي علاج.

ففي يوم، أثناء جلوسه على المقهى حدث أن تشاجر مع أحد شباب العي
الشهي وتطورت المشاجرة إلى تبادل الشتائم وتشابك الأيدي. وأثناء تلك
الفضوى رشقه الشاب بجملته أطاحت باستقرار عقله وراحة باله، فقد
قال له:

- إلا قولي يا مجدي هو انت اتعالجت فعلا ولا مراتك اتصرقت؟؟

الجملته تحمل في داخلها تصريحاً واضحاً أن الجنين الذي تحمله زوجته
قد يكون ابن فاحشة، أو ليس ابنه أو أن زوجته سقطت في خطيئة
دنست شرفه، الجملته تحمل كل هذه المعاني دفعة واحدة.

انتهت معركة مجدي مع الشاب لتبدأ معركة أخرى مع الحيرة والشك
الذي عصف به.

هو خائف من إجراء تحاليل لمعرفة الحقيقة، وخائف من مواجهة
زوجته بالسؤال فإنها إن كانت خاطئة انتهت حياتها معاً، وإن كانت
بريئة فلن تسامحه على سؤاله هذا أبداً.

أنهى مجدي قصته قائلاً: أصعب حاجة في الدنيا إنك تبقى نفسك تعرف
وخايف تعرف.

* * *

الابنة: مش معقول كده يا ماما، أنا فُلت من زمان نوديكى مصحة وبابا رفض يعني بتنسى وقولنا ماشي كمان مش قادرة تميزي بتفتحي الباب لمن!

السيدة العجوز واقفة في مكانها تبكي في صمتٍ عاجزة عن الرد.

الحفيدة: مش ممكن بقى يا تيتة التخريف اللي انتي فيه ده، إنتي أكيد مش عارفة ضيعتي إيه.

وهكذا كلما دخل أحد الأبناء أو الأحفاد صوّب إليها عبارات اللوم الجارحة غير مقدرين لما تشعر به من انكسار وضعف، حتي عاد هو عندما رأته دبت في معالمها الروح كطفلة كانت ضائعة في الصحراء ثم وجدت أباهاً فجأة أمامها.

اقترب منها وأخذ بيدها مقبلاً جبينها قائلاً: مالك يا صافي؟

هنا انتهت حواسها دفعة واحدة وارتفع صوتها البياكي بحثاً عن حروفٍ ضائعة وإدراكٍ غائبٍ لتروي له ما حدث بكلمات متقطعة ونهبة متألمة، ويصعوبة بالغة استطاع ان يفهم ما تريد قوله: أن شخصاً غريباً دق الباب، وعندما فتحت دفعها وسرق بعض الحاجيات، وكيف أنها كانت عاجزة عن التصرف خائفة، والآن هي نادمة أسفة لأن كلام الأبناء والأحفاد أشعرها بأنها عجوز خرفة عديمة النفع وغير قادرة على حماية بيتها.

وهنا أمسك الزوج الحاني بيدها وقبّلها قائلاً: مش مهم أي حاجة تضيع المهم انتي تعيشي وتبقي بخير، مش مهم اللي ضاع قبيل كده واللي هيضيع بعد كده انتي أهم حاجة في دنيتي كلها.

السيدة في القصة السابقة مصابة بمرض الزهايمر منذ أكثر من خمسة عشر عامًا، وما زال الزوج صابرًا متحملًا لتقلبات مرضها وتدهور قدراتها العقلية راقضًا نصيحة أبنائه أن يودعها إحدى دور المسنين أو المصحات، حريصًا على أن يمضي معها كل يوم في عمره حتى يفرقهما القدر. وبالرغم من كل المعاناة والتعب والخسائر أبدًا لم يعيث بوجهها ولم يصرخ عليها، وعندما تشتد بهما الأزمات يخرج صورتها يوم زفافهما وينظر لها بعينٍ دامعة قائلاً: "مفضل طول عمري شايفك كده جميلة وذكية ورقيقة"

إنه الحب يأسدة عندما يسكن القلوب الراقية.

القصة حقيقية مع تصرف بسيط.

* * *

جحود

"الحاج مرعي" رجل من حي شعبي يُحسب على الناس المحترمين، يعمل بالتجارة مع إخوته الأربعة، وكحال معظم الأسر الميسورة في الأحياء الشعبية، تعيش أسرة الحاج مرعي وأشقائه الأربعة في بيت واحد مع أم أفنت عمرها في تنشئتهم.

حتى هنا والأمر عادي ومكرر في كثير من البيوت المصرية، ولكن الأمر العجيب هو القصة التالية:

كانت السيدة أم مرعي جملاً ثقيلاً على زوجات أبنائها، وخاصة زوجة مرعي؛ حيث صراع اليد العليا بين الأم وزوجة الابن الأكبر قصة خالدة في كل عائلة مصرية.

كل يوم يعود مرعي من عمله ليجد زوجته تضج بالشكوى من أمه وتكرر طلبها في الاستقلال بالحكم في البيت، وفشل مرعي في حل النزاع الذي لا ينتهي بين الأم والزوجة فتفتق ذهنه عن فكرة خبيثة تعجز الشياطين عن إدراكها وترفضها حتى الوحوش الضارية.

فقد دخل على الأم حجرتها متصنِّعًا الابتسام قائلاً:

- تعالي يا أمي انا عازمك على عمرة.

- صحيح يا مرعي يا ابني هتوديني ازور النبي؟

- طبعاً يا أمي هو انا ليا بركة غيرك

- ربنا يغليك يا ابني ويسعدك.

- يلا يا حاجة اجهزي.

وفي أقل من أسبوع كان مرعي قد أحضر أوراق وتذاكر السفر واستعد للسفر بصحبة الأم والزوجة.

وعندما وصلوا الأراضي السعودية، نثَّد مرعي خطته الحقيرة بمساعدة زوجته ظناً منهما أن كشف أمرهما مستحيل ..

وعادا إلى القاهرة بعد أسبوعين، ودخل مرعي على إخوته دامع العينين بصحبة زوجته وهي متشحة بالسواد متصنعة البكاء.

وعندما سأله إخوته: "فين امك يا مرعي؟"

أجاب بثبات تحسده عليه الأفاعي: "الله يرحمها ماتت في الأرض الطيبة".

وأضافت زوجته لتضفي على القصة مسحة درامية: "الله يرحمها سبلتها بييدي".

الإخوة: لا حول ولا قوة إلا بالله.

وأقام مرعي والإخوة سرادق عزاء مهيبًا، ووقف بعيون دامعة يتلقى كلمات التعازي.

بينما أخفت زوجته فرحتها بالتخلص من الأم وأحكمت قبضتها على البيت، حتى إنها إلقت كل ما كانت تملكه الأم خارج المنزل، وجعلت من حجرتها مجلسًا لها ولنساء الحي.

وبمرور الوقت اختفت معالم الحزن من البيت ونسي مرعي وإخوته أنه كانت هنا امرأة لها فضل على وجودهم في الحياة وأوصاهم الله بها.

حتى مرت ستة أشهر، وبعد مرور الأشهر الستة، ساق القدر أحد أبناء الحي الشعبي العاملين بالأراضي السعودية للصلاة في الحرم المكي، وهناك رأى عجوزًا باكية تفتش الأرض وتصيح بصوت تخنقه الدموع: "يا مرعي يا ضنايا ياتري جرائك ايه يا ابني"

تعرف الشاب على المرأة العجوز فاقترب منها قائلاً: الله! ست ام مرعي..

فشخصت المرأة ببصرها قائلة: إنت تعرفني يا بني؟

- أنا محمود جاركم يا حاجة وصديق ابنك مرعي.

- طيب يا ابني أنا كنت جيت عمرة مع ابني مرعي وسابني هنا هو ومراته وقالوا رايحين يجيبوا هدايا وراجعين على طول ويقالي شهور هنا بنام في أي حته واكل من حسنات الحرم تعبت واتهدلت يا ابني وماقيش معايا أوراق ولا عارفة حصله إيه يارب تكون بخير يا مرعي يا بني، أنا طول الوقت اطلب من ربنا يبزد قلبي من ناحيته ويطمني عليه

- يا حاجة والله ما يستاهل الكلام ده.

- لا يا ابني ابني ضنايا يستاهل كل خير.

(14)

سكّر!!

بدأ النمل يغزو حَمَّام بيبي نظرًا لبعض التصدعات في البلاط، فطلبت من بعض معارفي أن يحضروا لي من يقوم بإصلاح الصدوع. وعندما دق بابي وقمت لأفتحه، وجدت طفلاً لا يزيد طوله عن متر، يحمل معدات، وعندما سألته عن الأسطى الذي يعمل عنده، أجابني ضاحكًا:

- هو أنا مش عاجبك ولا إيه يا ابلة؟

- أسفة اتفضل.

وأشرت له على مكان الصدوع ولم تكد تمر عشر دقائق حتى صاح قائلاً:

- خلاص ياست الكل، أنا سقيت البلاط تاني اهو ومش ممكن أبدًا يسرب أي مية ولا هيطلع منه نمل.

- متشكرة ياسكر حسابك كام؟

- 120 جنيه بس وده عشان خاطر ك اتقي بس.

وعينًا حاول محمود أن يشرح للمرأة دناءة ولدها إلا أنها لم يكن لها هم سوى أن تتأكد أنه بخير.

توجّه محمود إلى القنصلية واستخرج لها بعض الأوراق ليتمكن من إعادتها لبيتها، وعندما أحضرها وعاد للحي الشعبي. وما إن رآها أهل الحي حتى توجهوا بحديثهم للابن الخبيث، قائلين:

- هي دي امك اللي بتقول ماتت يا مرعي؟! هو انت كنت بتوزعها عشان تريح مراتك.

وانهالت عبارات اللوم والتقريع على مرعي وزوجته من أهل الحي، حتى إنه لم يتحمل عار ما فعل وأصيب بجلطة أسقطته أرضًا.

وللعجب فإن الأم ألقَت بنفسها عليه باكية قائلة: أنا فداك يا ضنايا ياريتي بدالك يابن عمري.

* * *

- عمري ما شفتك بعيد عن البر ده يا عم آدم، إنت ليه مش بتخرج؟

- أخرج اروح فين، وليه؟

- يعني تروح أي حته. إن شالله حتى تشتري طلباتك.

- طلباتي بيحبوهاالي الصنایعية.

وانا لو بعدت عن هنا اموت دا انا مرة ابني غصب عليا اروح اعمل

أوراق، جاتي كرشة نفس وكنت هروح فيها، يا بنتي انا روحي هنا.

*طيب فين ولادك وعيلتك؟

ابتسم في مرارة محاولاً الهروب من سوالي اللزج:

- تعرفي يانور، أنا صنعت طول عمري حوالي 2000 يخت في منهم دلوقتي

في ميلانو وشواطي الخليج، وفي أمير عربي طلب مني أعمله يخت واحط

فيه مسامير ذهب وانا رفضت مع إنه كان عارض عليا ثروة .

- طيب رفضت ليه؟

- أنا مش بتاع فلوس وماخدها ليه واصبرقها فين، أنا سمكة من النيل

تمشيبي وخلص .

- أنا برضه مصممة اعرف ابنيك ده فين.

- ابني مش سمكة زيي، ده مولود طائر.

لمعت عيننا عم آدم بالدموع وهو يقول:

- وحشني أوي ابو قلب خشب .

- طيب ما تروحله أو اتصلك بيه يجيلك.

- لا يابنتي رينا يسعده. ده ميقاش ابن بتاع البيخوت ده بقي صاحب

بيخوت وعربيات وشركات وهموم كتير مش عاوز اكون هم من همومه .

وبعد شوية أسئلة وحب استطلاع مني، عرفت إن ابنه راجل أعمال كبير

أوي، وانه بيتكسف يقول إن الرئيس آدم بيبقي ابوه.

ياالجحود الأبناء..!

* * *

(16)

عَظْر

بعد أن باءت كل محاولات الأهل والأقارب والأصدقاء في الصُّلح بينهما بالفشل،

حاول الكثير من الأصدقاء معرفة سبب الخلاف ولكنه رفض أن يبوح بسِرِّ الخلاف.

أبو الزوجة: يا ابني انطق قولنا إيه اللي مزعلك منها؟

الزوج: معلش يا عمي، الحياة وقفت لحد كده وما فيش داعي اننا نكشف خصوصياتنا.

أم الزوجة: بعد ما استحملناك وصبرنا عليك تبيعها كده هي دي عمائل وولد الأصول!

الزوجة: إنت مفكرتش في حبنا وبنتنا الجميلة خلاص يعني نسيت كل حاجة.

الزوج: انا قولتلك قبل كده وحاولت اصلح منك وانتي بتكابري.

الزوجة: خلاص بيبي وبينك المحكمة.

الزوج: انتي مصممة ليه اننا نكشف خصوصياتنا؟

الزوجة: خصوصياتنا!!!!!! إنت اللي بتفكر في حاجات تافهة، اللي بيعجب حد بيقبله زي ماهو يا أستاذ.

وفي قاعة المحكمة.

تقدم بخطوات بطيئة يملؤها الأسف إلى قاعة المحكمة.

القاضي: انت رميت على زوجتك اليمين وهي بتطالب بحقوقها.

الزوج: أيوة يا قندم رميت عليها اليمين ومستعد اديها كل حقوقها.

محامي الزوجة : إن موكلتي مصممة ومصرة على معرفة سبب الطلاق وعرضت في مقابل ذلك التنازل عن كافة حقوقها الشرعية.

الزوج: بالرغم من حيي لها ولبنتنا واحترامي الشديد ليا ولأهلها بس طالما هي مصممة خلاص مضطر اقول:

- زوجتي يا حضرات ست مهذبة وجميلة ومتعلمة وبنيت ناس وانا حقيقي بحبها، بس فيها عيب حاولت كثير اصبر عليه وحاولت اصلح منها بس هي بتكابر ومصممة ان مافهاش أي غلطة، زوجتي لها رائحة عرق لا تطاق حاولت كثير اجبلها عطور ومزيلات عرق وفهمتها بطريقة شيك اني بقوم من النوم على ريححتها اللي لا تطاق وعشان محدش يتهمني اني ببالغ أنا

استحملتها 7 سنين عمر جوازنا بس خلاص حقيقي مش قادر. أنا اتعلمت ان آخر ما يبقى من المرأة عطرها وان العطر شخصية المرأة وانا مش لاقى ده في مراتي حتى كل الأديان بتطالب الست انها تكون طيبة العطر قدام زوجها وانا كل ال طلبته منها..

عطر..!

* * *

(17)

وَجَع

مثل كثير من الفتيات في سن المراهقة، مازالت تتتعرف على ملامحها كأنثى في كل يوم تنظر في المرآة وتكتشف شيئاً جديداً صنعه صانع الجمال في الكون. استدارت ملامح وجهها موحية بأنثى ستكون جميلة أو هكذا ظننت في نفسها.

هي فتاة من أحد الأحياء الشعبية ذات جمال عادي، وجه مقبول، روح مرحة مازالت في طور النمو. عندما وصلت لمرحلة ما في التعليم، قررت أن تعمل بجانب الدراسة لتكون مسئولة عن تقرير مصيرها، وجدت ضالتها في أحد محال الملابس حيث مواعيد العمل توافق ظروف دراستها الجامعية.

وسارت مركب الحياة بدون جديد، حتى جاء أحد أيام نوفمبر الرمادية، استيقظت من نومها مذعورة حيث تأخرت عن عملها: ياربي لا بد أن افتح المحل قبل أن أذهب للجامعة.

ارتدت ملابسها في عجلة، ودون أن تودّع جدتها، أسرعت إلى المحل، وما إن فتحت حتى فاحت منه رائحة مادة بترولية في الغالب بترين.

ماهذه الرائحة لابد أن عامل النظافة قد نَقَد ما أمرته به في المساء وقام بوضع بعض البترين على البلاط لتنظيف بقع الطلاء لا بأس ستزل الرائحة بعد قليل.

دقائق ودخل أحد زبائن المحل حاملاً سيجارته المشتعلة:

- صباح الخير يا أنسة .

- صباح النور أي خدمة؟

- أيوة لو سمحتي عاوز بنظفون إسود.

- اتفضل.

ألقى الشاب سيجارته على الأرض المليئة بالمادة الحارقة وهي لم تلاحظ ما حدث ولا تعرف ما ينتظرها.

الشاب في تعجب:

- انتوا لسة بتنضفوا طيب انا همشي وارجع بعد شوية.

-اتفضل..

دقائق قليلة وشبّ حريق هائل في المحل وكانت هي لا تزال بالداخل.

لمن لم يجرب هذا الإحساس من قبل، النار وأنت داخلها ليست حارقة، ولكن العجيب أن لها صوتاً مرعباً يجعل عقلك يتوقف عن الحياة.

صرخت مرتعبة:

- إالحقوني.. إالحقوني...

تحرك الكثير من الجيران ورواد المحال والمقهى المجاور للسيطرة على الحريق، وهي كمن أصيب بسكتة دماغية، لا تعرف ما يدور حولها.

ما إن تمت السيطرة على الحريق، فوجئت بجميع من حولها يردد عبارات مثل:

عاصم صاحب المحل المجاور: لاحول الله يارب بنت لسة صغيرة.

سيدة من الشارع: ياخسارة شبابك يا بنتي.

شاب آخر: خلاص راحت على كده.

رجل عجوز: ربنا يصبر أهلها.

ماهذا ماذا يقولون هل يتحدثون عني؟ بالتأكيد لا، أنا ما زلت واقفة على قدميأ وبصعوبة نطقت:

-ممكن حد يديني اشرب.

عاصم: محدش يديها مية مية مش كويسة على الحروق.

شاب آخر: شوفولنا عربية يا اخوانا، البنات هتموت واحنا واقفين.

هي لا تدري أنهم يتحدثون عنها.

قام بعض الشباب بإحضار سيارة.

عاصم: أقرب مستشفى ياسطى.

حملوها ووضعوها داخل السيارة وهي لا تزال مندهشة لا تدري ما يحدث.

- أنقذتوني !!!! أنا بقالي يومين بصرخ محدش جابلي قرص مسكن وتقولي انقذتوني.

- طيب طالما انتي فايقة كده لازم تعرفي حاجة الريحه الوحشة اللي في الأوضة دي ربحه دراعك اليمين. إحنا اسفين كنا فاكرينك هتموتي قمحيناش نوجعك ونعملك غيارات عليه قولنا خليها تموت في هدوء، لكن اللي حصل انك لسة عايشة ودراعك باظ خالص ولازم نعملك بتر. وعايزين حد من أهلك يمضي على إقرار بالموافقة.

صرخت صرخة عظيمة:

- انت مش دكتور انت جزار انا عايزة اخرج من هنا خرجوني من هنا.

- خلاص خلاص خليكي هنا لحد ماتموتي بلاش قرف انقلوها عنبر (ج).

إحدى المرضيات تضعها على كرسي متحرك وتدخل بها المصعد. وهناك كانت الفاجعة..

المصعد به مرآة، ولأول مرة تري وجهها في هذا اليوم منذ استيقظت من النوم.

-ايه ده مين دي مش ممكن اكون انا لالا لالا لالا. أنا لو ده شكلي أبقي لازم اموت، لا انا أصلاً ميتة مش الدكتور قال كده والنبي سيبوني اموت..

وسقطت في غيبوبة لأكثر من شهر..

وعندما أفاق وتجدت ان الحياة انقسمت لقسمين، ما قبل الحادث حيث كانت مجرد مراهقة تنتظر مستقبلها، وما بعد الحادث حيث عليها أن تتكيف مع الإصابة التي قضت على كل ملامح الجمال في وجهها.

نصحها الأطباء بالكثير من الجراحات التي أجرتها ولم تتحسن. حاولت أن تعود لعملها، ولكن صاحب العمل أجاب أنه لا يرغب في فتاة مثلها على حد تعبيره: معلش يا بنتي بس ده محل أكل عيش والزباين بيحبو يشترؤا من بنت تكون جميلة .

هي بيتها وبين نفسها اقتنعت أن هذا قضاء الله ولا راد لقضائه، ولكن الناس لا يقبلون بها ستقول لي ومالنا والناس سأجيبك:

الناس هم

صاحب العمل الذي طردها بمجرد أن حدث لها حادث لا ذنب لها فيه.

راكب بجوارها في ميكروباس: انتي ميتروحيش لدكتور ليه يابنتي؟

جارة: ما تلبسي يابنتي نقاب وتخبي وشك ده بدل ما انتي مضايقة الناس.

صديقة طفولة: معلش مش هنعرف نخرج زي زمان عشان شكك ملقت للنظر.

مجموعة شباب واقفين على ناصية: شفت ياض الشبح ال معدي قدامك ده عليا الطلاق لو طلعتي في الضلمة لاترعب.

أم صديقتها التي أحضرت لها عربسًا كفيئًا قائلة: إتجوزيه أهو لا هو شايكف ولا انتي سامعاه. مع ضحكات سخيرة مبررة.

بعد معاناة طويلة اكتشفت أن التشوه عندها مجرد حاجة في وشها، لكن المجتمع طلع متشوه من جوة ومن بره.

* * *

(18)

معدية

لم تكد خيوط الفجر تنشب نسيجها في السماء حتى دق جرس هاتف
معلنًا الساعة الخامسة، فتحت الأم باب حجرته قائلة:

- إصحي يا فارس يا ابني الصنابية مستنيينك.

- يووه طيب طيب انا قايم اهو.

- ماهو انت لو كنت بتريح نفسك كنت قمت فايق.

- هو انا قولتلك تعبان يامًا.

- يا ابني بالراحة على نفسك دي الدنيا اتخلقت في 6 ايام .

- يامًا ادعيلنا دعوتين عالصبح بدل الكلام ال بوقف الحال ده.

- يا ضنايا انا خايفة عليك صحتك يا ابني في حد في الدنيا يشتغل ورديتين

لحد الفجر ويصحي يروح شغلانة تانية؟

- ياما الرزق يحب الخفية وربنا قال اسعى يا عبد وانا اسعى معاك، وانا

ورايا جمعيات واقساط .

- كل ده عشان بنت نوال يا بختها بيك..

- بحبها يامًا ونفسي اجيلها حتة من السما، ربنا يجمعني بيها في بيت واحد قبل ما اموت.

- بعد الشر يا ابني تفرح وتتهنى بعروستك إن شاء الله.

- يلا خلاص، أنا لبست عاوزه حاجة من برّة؟

- عاوزك طيب يا ضنايا .

انطلق فارس يعدو للحاق بزملانه والبدء بالعمل مبكرًا، كان فارس يسكن في إحدى الجزر القابعة في النيل وتربطها بالعالم الآخر معدية بدائية يركبها فارس وكل من له عمل أو مصلحة يريد قضاءها من المدينة في كل يوم.

وعندما وصل فارس لعمله بإحدى المدن الجديدة بالقاهرة، شرع في العمل بكل نشاط، فهو يريد أن ينتهي سريعًا من العمل للحاق بعمل آخر كان يبذل قصارى جهده لتجهيز مسكن يليق بفتاته التي اختارها قلبه وقرر أن يجعل مسكنهم قصة ترويحها الجزيرة لسنوات، وعندما اقترب العمل على الانتهاء، كان فارس يحث زملاءه على العمل قائلًا:

- يلا يا علي، يلا يا هاني عاوزين نخلص المزمة دي ونطير.

- مبالراحة علينا ياسطى فارس مش عالهامي كده.

- لا ياخفة مافيش بالراحة عاوزين تلحق نروح شغلانة العاشر.

- الجزيرة كلها ملهاش سيرة غيرك يا فارس، بيقولو إيديك تتلف في حريق ويتاكل الشغل أكل.

- الله أكبر في عين امك يا عم يلا خرينا نخلص ناولتي شوية المونة دول.

- هتروّح ياسطى.

- لأ عندي شغلانة صغيرة مش عاوز اروح غير وانا معايا قسط الجمعية.

- انت خلصت الشقة؟

- يوووووه من بدري، لازم الجزيرة كلها تحلف بشقة فارس ياض.

- ناقصك حاجة مش عاوز مساعدة احنا عنينا ليك انت طول عمرك جدع؟

يرد فارس وهو ينظر للسما حائلًا:

- مش ناقص غير العروسة تيجي تنور فيها بس انا مشطها لو كس وركبت تكييف كمان.

- ايوة بقي بايضالك في القفص يابنت نوال.

- احرص ياض متجيبش سيرة ست البنات.

- قشطة يا عم الله يباركلو خلاص هنسبق احنا ونتقابل في الجزيرة متتأخرش.

وبعد غياب الشمس كان موعد غياب شمس أخرى، فارس يركض نحو المعديّة متحدثًا إلى نفسه: "اليوم خلص عاوز الحق المعديّة يووه المراكبي بيحك الجبل لو فاتني يبقى ساعة ضاعت أنا أولى، بيها اجري يا فارس"

البرنس

هو ليس "برنس" اسمًا بقدر ما هو برنس وصفتًا، نعم فإن يديه الناعمتين ووجهه شديد الوسامة الذي لم يعرف العرق له طريقًا.. وفيما قد يعرف هذا البرنس وهو منعّم منذ ولادته؟!؛

هو الابن الأصغر للحاج أبو العزم كبير عائلة من أثرياء الدلتا عندما كبر الأبناء قرر الحاج أبو العزم الانتقال بأبنائه للقاهرة لينالوا قِسْطًا من التعليم الجامعي والحياة القاهرية المتمدينة؛

فجمع أبناءه وانتقل إلى القاهرة بعد أن اشترى بيتًا يليق بعائلة ثرية. وكمثل معظم أبناء الريف كان لبناته جمال أخذ فضلًا عن التعليم وحسن الخُلُق.

بمجرد انتقالهم إلى القاهرة في فترة الثمانينات حيث كان الأثرياء العرب يأتون للزواج من مصريات، أعجب أحد الأثرياء العرب بالأخت الكبرى للبرنس التي كانوا يطلقون عليها في الحي الشعبي "ست الحسن".

وإثناء ركضه كان ينادي على عامل المعديّة لينتظره: إستنى يا مراكي الهم أنت يا حسين يا جدرع مش يهدلك.

- بلا بسرعة يا فارس المركب فارقت البر.

وأصل فارس الركض لاهتًا كأنما يركض خلف قدره.

المركب فارقت البر، ولكنه أصر على القفز للحاق بها.

سقط فارس في الفجوة بين المعديّة والمرسى ليغرق تاركًا خلفه أحلامه وطموحاته وعروسه التي يحلم بها.

بعد مرور الأربعين يومًا الأولى على وفاته. تقدّم أخوه لخطبة عروسه وتزوجها في نفس المسكن الذي أعده فارس.

الشيء الوحيد الذي تحقق من حلمه هو أنه وشقته صارا حديث الجزيرة كلها.

قصة حقيقية تكررت كثيرًا ولم يتحرك مسؤول واحد لوقف سيل الدماء الذي يسيل على المعديّة كل عام.

* * *

وتزوجت ست الحسن من الثري العربي في حفل زفاف لازال حديث الحي منذ سنوات وانتقلت للحياة معه في بلده العائمة على بر من النفط والذهب.

لم تكد تمر سنوات قليلة حتى مرض الحاج أبو العزم مرضًا شديدًا جعل الأبناء ينفقون ما تبقى من ثروتهم على مرضه ثم توفى.

وبعد وفاة الحاج أبو العزم، اختل توازن البرنس هو وأخوه الأكبر وكيف لا وقد كان الأب هو السند، هو ضمانهم من سقاء الدنيا، هذا الأب الذي جعلهم حتى بلغوا هذه السن لا تعرف أيديهم من العمل في الدنيا سوى الترف وإنفاق الأموال على المذات.

وقد كان، أقنعوا زوج الأخت أن يترك الأمر لهما، فألقى لهما بعض الملايين وغادر على اتفاق بالعودة لمباشرة الأعمال والمال.

بدأوا يعرفون كيف يمر يومٌ عليهم بدون ترف طالما تعودوا عليه حتى جاء لهم الإنقاذ على يد أختهم ست الحسن زوجة الثري العربي، أخذت تمدهم بالأموال التي أضعوها في مشاريع كثيرة فشلت، وبالرغم من ذلك لم تكف عن مدي العون لهم. تزوج البرنس زواجًا غريبًا كان حديث الناس، فهو ابن الحسب تزوج ابنة أكبر تاجر مخدرات في المحافظة، الفتاة شديدة الجمال والأدب، ولكن هذا لا يكفي لمحو عار أبيها.

استأجر البرنس وأخوه مكتبًا فخميًا ضخمًا في أرقى أحياء القاهرة وكثير من الموظفين وخاصة السكرتيرات الحسنات، ولأنهم غير معتادين على العمل، تحوّل المكتب مع الوقت إلى مكان مشبه بتردد عليه الفتيات سينات السمعة ومرؤجو الخمر، وكان هذا المكان مرتعًا خصبًا للأفاقين ومن يريدون اغتنام بعض أموال البرنس الذي كان على أتم استعداد لدفع أي مال في مقابل بعض كلمات المدح الرخيص أو أمام ضحكة رقيقة من إحدى الفتيات.

تزوجها البرنس وأنجب منها الكثير والكثير من الأبناء الذين ورثوا ملاحظة الأب وجمال الأم، ولكنه بالرغم من أنه أصبح أبًا للعديد من الأبناء إلا أنه لم يكف عن حياته العابثة، وكلما طالبت يده أي مبلغ من المال ركض نحو أحد علب الليل وأنفق عن بكرة أبيه وعاد إلى بيته بعد الفجر مترنحًا.

مرت سنوات وكبر أبناء البرنس وذاقوا مرارة الاحتياج: فالأم عادت بهم لبيتها خوفًا عليهم من كار الجد وخوفًا من أن ينجرفوا فيه والأب يضمن عليهم بأقل القليل من المال، حتى قرر أحد أبنائه الذهاب إليه في مكتبه بالشركة المزعومة ليطالب بحقوقه كابن لأب ثري.

-انت ايه اللي جابك هنا من غير ما تتصل يا ولد يا خالد؟

-معلش يابابا كنت عاوز حاجة ضروري.

-حاجة إيه اللي تخليك تبجي هنا بالطريقة دي؟

-يابابا انا واخويا في ثانوية عامة ومحتاجين فلوس للدروس.

-ومبتذاكرش لوجدك ليه يا خويا. يلا اتفضل على البيت بلاش دلج مش

قادر على التعليم سيبه.

- طيب بلاش انا، اخواتي البنات محتاجين مصاريف، مروة كبرت

ومحتاجة لبس ومريم كمان عاوزة فلوس دروس.

-يووووووه غور من وشي يا حيوان، أكيد امك اللي باعتك ماهي دي

أخلاق بتوع المخدرات.

-ليه كده يابابا؟

-هو كده يلا بقى من غير مطرود ولا اقولك ماتبجي تشتغل هنا ساعي

ياض يا خالد اهو تكسبلك قرشين وتربطني كل ما اجيب ساعي يطفش .

-عاوزني اشتغل ساعي في شركة ابويا؟!

-اه ياروح ابوك ولا عاوز تتنح..

عاد خالد مكسور الخاطر للبيت وهناك وجد الأم باكية على حالها ولا

تدري ماذا تفعل.. أتعود لبيت أبيها وتركهم للضياع أم تركهم لإهمال

الأب؟!

هذا الحال دفع خالد للموافقة على عرض الأب على مريض قائلًا في

نفسه: "على الأقل أحسن من مافيش".

وفي مكتب الأب كان خالد يري بأم عينه نفس الأب الذي يرض عليه
بالقروش القليلة، ينفق آلاف الجنيهات على زجاجات الخمر والحياة
المشبوهة.

نما الحقد في قلب خالد يومًا بعد يوم، حتى جاء الأب يوما وقال:

- بقولك ايه يا خالد انا عاوزك تبجي بكرة وتشوف حد يساعذك

وتوضبوا المكتب كويس. عشان عندنا حفلة.

- حفلة ايه يابابا؟

-بلاش بابا دي هنا.

-حاضر ياباشا.

-أنا هتجوز دعاء المسكرتيرة.

-انت يابابا؟!

-اه انا ..

- طب وانا واخواتي؟

-إنت هتحاكمي يا ابن الكلب!

خد الشنطة دي حطها جوة واقفل عليها انا هروح اجهب نفسي واشتري

شوية حاجات.

- حاضر ياباشا .

نطقها خالد والغل يقطر من فمه، وفور أن غادر الأب، فتح خالد

الشنطة ليجد بها كمية هائلة من المال، فعزم على الهرب بها مهما تكلف

الأمر. حمل خالد شنطة أبيه المليئة بالنقود عازماً على سرقتها انتقاماً
من هذا الأب الجاحد. وعند باب الشركة فوجئ خالد بعمه قادمًا بصحبة
إحدى الفتيات.

- رايح فين يا خالد؟

- أهلاً يا عمي أبداً دا انا كنت رايح اجيب طلبات للحفلة.

- بتحضر لفرح ابوك ياروح ابوك لا جدع ياض.

- اعمل ايه بس يا عمي هو حر.

- خد هنا ايه الشنطة ال معاك دي مش دي شنطة البرنس موديا فين؟

ارتبك خالد وظهر على وجهه علامات الرعب.

- انت سارق فلوس ابوك يا كلب؟

دفع خالد عمه فسقط على الدرج وركض نحو الباب بينما الفتاة
المصاحبة لعمه تصرخ:

- حرامي حرامي..

عاد خالد للبيت وهو يرتعد من الخوف حتى شعرت الأم بالقلق.

- مالك ياخالد؟

- أنا سرقتة ولو اتعرضلي هقتله كفاية بقي اللي حصلنا .

- يا مصيبيتي، سرقت ابوك يا خالد هو ده ال كان ناقصني اعمل ايه
دلوقتي، أبوك لو جه هنا هيطرق البيت ويفرج علينا الناس.

- متخافيش يا ماما انا ههرب عند جدي وهاخد حسن اخويا معايا عشان
ميلاقيش غيرك انتي ومروة وريم ومش هيعرف يعملكم حاجة
- طيب يا ابني ما ترجعهمله وتقصر الشر.

- ارجعهمله عشان يتجوز بيهم عليكي وينسانا أكثر ما هو ناسينا.

ضاق صدر الأم وقالت محدثة نفسها: "كده يابرنس بعد ما استحملت
وساختك السنين دي كلها وربيتلك عيالك"

ثم توجهت لخالد: اهرب يا خالد وانا ليا كلام معاه لما يعي وخذ معاك
الفلوس دي اديهم لجدك يخلهم عنده.

انطلق خالد لبيت جده بصحبة أخيه الأصغر.

وفي الشركة جنَّ جنون البرنس عندما علم بسرقة أمواله ومَن المارق؟
إنه ابنه.

- العيال دي وولد حرام يا عادل، أنا ابني يسرقتي، أنا البرنس تجيلي من
ابني الضربة دي!

- يابرنس متكبرش الموضوع ده عيل وغلط روق دمك كده وشوف هندسهر
فين النهاردة.

عاد البرنس للسهر وعلب الليل ونسي خالد الذي اختفى عند جده لأمه.

وبمرور الوقت نفدت جميع الأموال التي حصل عليها من زوج الأخت، ولم
يجرؤ على طلب المزيد، فأخذ يفكر في طريقة للحصول على المال، فأخذ
يتناقش مع أخيه في طريقة سهلة للحصول على المال.

- مالها المخدرات، إيشحال لو مكنتش حرامي وسارق ابوك ياواد أنت
هتعمل شريف عليا.

- حاضر يا جدي أمرك.

- أيوة كده تبقى حفيدي حبيبي، بس انا قلقان على حسن اخوك ببختفي
كده ومش عارف يروح فين.

ضحك خالد قانلاً:

- هو اللي بهرب من بيت تاجر مخدرات بيتخاف عليه يا جدي متقلقش.

وسار خالد في طريق الجد رغماً عنه، أما حسن الأخ الأصغر فكان له
نشاط آخر.

وفي الشركة كما توقع البرنس، انهالت عليهم الأموال من الشباب الباحث
عن عمل في هذه الشركة التي يوحى مظهرها الفخم بأنها شركة عالمية ولا
أحد يعرف حقيقة نشاطها.

أنفق البرنس جميع النقود على ملذاته، وعندما نفدت فكر في فكرة
شيطانية لا تخطر على بال أب يحمل ذرة من إنسانية.

فقد توجه لأحد أصدقائه العرب الذين تعرّف عليهم أثناء سهراته
الحمراء في علب الليل، وعرض عليه الزواج من ابنته مروة التي ورثت
جمال أمها وملاحة أبيها، ليعيد نفس قصة أخته ست الحسن ويعيش من
أموال زوج ابنته.

- هنععمل ايه يا عادل الفلوس خلصت والحريم طفقت انا مخنوق أجدع.

- لها حل يا برنس، إحنا بدل ما بناخد الترامادول وبس، نبيعه كمان في
كونتير قدامي.

- جري ايه يا عادل انت اتجننت انت عاوز تجبسننا، أنا البرنس اتجيس
لالالالا انت متفكرش.

- أعملك ايه ده حتى مافيش سكرتيرة تجبلنا كوياية مية.

- بس لقيتها احنا نعمل إعلان عن وظائف خالية.

- انت مخك ضرب يا برنس وظائف إيه الشركة بتخرب.

- يا حمار افهم احنا في مكتب محترم وشركة فخمة لما نعمل إعلان
وظائف ونبيح الاستثمار ب 50 جنيه هيبلنا ألقاات الشباب.

- أما فكرة نضيفه صحیح بس بشرط مناخدش فلوس من الموزز نعملهم
اختبارات بس.

ضحك البرنس قانلاً:

- طبعاً يا عادل، ما كل التعب ده عشان الموزز.

ظل خالد مختبئاً في بيت جده لأمه ويرسل لها من المال الذي سرقه من
الأب حتى نفد، وعندها وجد الجد يقترح عليه العمل معه في كاره.

- ماتيجي يا خالد تشتغل معايا انت كبرت وبقيت راجل وانت أولى من
الغريب.

- بس يعني يا جدي مخدرات انا اخاف.

وذهب للبيت حيث تعيش مروة مع أمها ودفعها دفعًا أمام هذا العجوز
الثري الذي كتب لها شيكًا دسمًا بجانب عقد زواج محدد المدة فيما
يعرف بزواج المتعة.

أخذ البرنس المال وعاد للشركة منتشياً واشترى زجاجة من الخمر
الفاخر ليحتفل بشلال النقود الجديد مع أخيه الأكبر، وأثناء السهرة
أصيب أخوه بجلطة مفاجئة أودت بحياته.

المفاجأة هزت كيان البرنس. فقد كان يظن أنه هو وأخوه بعيدان عن
الموت، ولكن هاهو الموت يخطف الأخ رقيق الحياة العابثة.

بعد وفاة عادل اكتأب البرنس وصار يرتعد خوفاً من أن يخطفه الموت
كما خطف أخاه فعاد للبيت.

وهناك وجد أن البيت لم يعد كما كان: فعندما سأل عن حسن علم أنه
في السجن بتهمة سرقة بالإكراه.

نعم حسن الابن الصغير المدلل صار لصاً ومسجل خطر أما خالد فصار
تاجر للأقراص المخيرة وصارت سمعته تسبقه.

ظنَّ الجميع أن كل هذه المفاجآت ستعيده إلى رشده إن لم تكن كفيلة
بالقضاء عليه، ولكن حدث موقف أكد لي أنه سيموت على نفس الحال .

حيث أنه بعد مرور أربعين يوماً على وفاة أخيه، ذهبت لتعزيتته بصحبة
إحدى صديقاتي نظراً لكل المصائب التي مرَّ بها، فإذا به ينظر لها نظرات
إعجاب قانلاً:

- تعرفي انك حلوة أوي في الأسود يا سمر. تحبي تشتغلي سكرتيرة في
مكتبي؟

البرنس هو البرنس، لا شيء يمكن أن يصنع منه إنساناً.

القصة حقيقية، وبعض أحداثها نشرتها الصحف والابن الأصغر لازال
في السجن.

* * *

سيف

شاب من عائلة متوسطة في حي شعبي هو الأخ الأصغر لأربعة من الإخوة جميعهم يحسب لهم التدين والخلق الطيب، إلا سيف فهو نشأ مدللًا لكونه الابن الأصغر، ولوسامته الشديدة وخفة ظله التي لا تقاوم. تسبب هذا التدليل في فشله دراسيًا؛ حيث لم يستطع أن يكمل دراسته الجامعية واكتفى بمعهد فني متوسط .

ولأنه هو الوحيد الفاشل دراسيًا ولا يوجد عمل يصلح لشخص مدلل كهذا، اختار الطريق الأسهل: محل قديم كان والده يتخذه مخزنًا ومكانًا لجلوسه مع أصدقائه.

جدّد سيف المحل ببعض الديكورات البسيطة واختار نشاطًا مريحًا ورائجًا هذه الأيام؛
ملايس المحجبات .

ونظرًا لجاذبيته الشديدة ووسامته. أصبح المحل لا يخلو من الفتيات والسيدات ممن يريدون التحدث معه بحجة شراء مستلزماتهن من محله.

وكانت هي إحدى زبائنه نهي صديقة الطفولة لظالما كانت صديقة طيبة له كلما حدث له مكروه. ركض نحوها وهي تقبّل له العون بكل حُبٍ وكأنها هو ابنتها.

وعندما رآها في المحل بعد فترة طويلة أدرك أنه لابد أن يضمن وجودها بجانبه أطول فترة ممكنة .

- نهي انتي واحشاني جدا كنتي مختفية فين ادبي ركمك واوعي تبغيي كده تاني.

لم تصدق نهي نفسها من السعادة. هذا سيف الذي ظالما تجاهل مشاعري ولم يقدر أبدًا حيي له ولم يفهم حقيقة إحساسي. يهتم بي كل هذا الاهتمام؟.

ولكنها كانت مخدوعة: فهذا الأثاني لم يهتم بها حُبًا. ولكنه يريد أن يضمن مساعدتها الدائمة له وقد كان..

و كثيرًا ما أيقظها على صوته في الهاتف

-نهي معلش عاوز ألفين جنيهه سلف..

-نهي الحقيقي عندي مشكلة في المحل.

-نهي تعالي بسرعة محتجالك.

كانت نهي تظن هذا حُبًا ولم لا؟ إنه لا يقصد أحدًا غيري. إنه يحبني. إنه لا يستطيع الحياة بدوني. ولأنه يريد أن يضمن وجودها بجانبه. أقنعها أنه لابد لهم من الزواج. وعندما قال لها هذا كادت تفقد عقلها من الفرح. هاهو الحلم يتحقق، ولكنه جعلها تفيق على صفة قوية:

-نهي احنا لازم نتجوز بس مش هينفع افاتح أهلي دلوقتي عشان المشاكل اللي بينا وممكن ياخدو مي المحل لو خالفهم.

-طيب وهنعمل ايه ياسيف؟

-نتجوز عر في مؤقتًا بس يا حبيبتي لحد ما نأجر محل في مكان تاني.

-بس يعني...

-اللي بتحب متقولش لحبيبها بس يعني.

-خلاص خلاص موافقة بس متزعلش.

وافقت نهي على هذا الوضع المزري لحبها الشديد له ولعدم وجود ما تخشاه فقد توفى والديها وهي تعيش في بيت عمها التي تتوق للتخلص منها وهي تريح جيدًا من عملها ما يكفيها ويكفي مطالب سيف التي لا تنتهي .

هو في الحقيقة يسد ما يأخذه. ولكن على مدى طويل جدًا.

وفي أحد الأيام. ذهبت نهي لمحل سيف، فوجدته مغلقًا ولا يوجد بالبيت ولا يرد على الهاتف. جنّ جنونها حتى تجرأت وذهبت لبيت والدته لتسأل عنه فأجابته الوالدة.

- ده راح مشوار يا بنتي عشان بيحضر للسفر.

-سفر !!!

-كنتي عاوزه حاجة يابنتي؟

-لا أبداً يا طنط كنت طالبة حاجات من المحل.

دارت الأرض بنهى وجن جنونها.. سيتركني هكذا بدون حتى وداع؟ أهدأ الحد أنا لا شيء بالنسبة له؟ ماذا فعلت ليعذبني؟!

وأخيراً ظهر سيف عندما رأته اسمه على الهاتف لم تصدق:

-الو انت فين حرام عليك تعمل فيا كده؟

-أنا هنا يا حبيبتي لما نتقابل هتفهمي كل حاجة.

وعندما قابلها سألته دامعة العينين:

-ليه عايز تسيبني بالطريقة المهيينة دي؟

-حد يسيب روحه انتي روعي ياننى.

-كدايب..

- كل الموضوع اني مش قادر استحمل حياتنا كده. انتي لازم تبقي مراتي قدام الناس كلها، لازم يبقى ليكي فرح وبيت أحسن من أي حد.

- بجد ياسيف هتعلن جوازنا طيب الحق اجهز نفسي.

ضحك سيف وأجابها:

-خدي وقتك. أنا مش هعمل كده غير لما اسافر وارجع عشان يبقى معايا قرشين نبدأ بيهم حياتنا.

-طيب على الأقل تعالى اخطبني من عمي.

-مينفعش يا حبيبتي حد برضه يخطب مراته؟

-بس هما ميعرفقوش.

-اصبري بس يا ننى، سيبني اعمل حاجة تليق بيكي يا حب عمري.

- طيب هترجع إمتي؟

- مش هغيب أكثر من سنة.

غالبت دموعها قائلة:

-سنة مش هقدر استحمل.

- متصعبهاش عليا بقي يا حبيبتي.

وتركها سيف بين نار الشوق إليه وشعور بالخزي مما ارتكبهته في الخفاء.

ومرت سنة، وللحقيقة أنه لم يتركها يوم بدون مكالمة تليفونية أو محادثة على فيس بوك، وهذا ما جعلها تنتظر وتنتظر حتى أصبحت السنة ثلاث سنوات، وكانت تغالب حنينها إليه بالعبور بجوار بيته الذي طالما جمعهما في الخفاء عليها تشم عبيره. وفي مرة من مرات مرورها بجوار بيته، شاهدت أعمال دهانات وتجديد للبيت، وعندما سألت أخته أجابها أن سيف قادم بصحبة ننى وطلب تجديد البيت من أجلهما.

فرحت ننى ولم تلتفت لما بين السطور في حديث أخته؛ فقد ظنت أنها هي ننى المقصودة.. نعم إن حبيبي سيف وفى بوعده ولم يخيب ظني فيه لكن

لماذا لم يخبرني لا بد أنه يريد أن يفاجئني. سأفاجئه أنا أيضًا وأعرف موعد وصوله وأنتظره في المطار.

وجاء اليوم المشهود، تزينت بثياب الشوق وتعطرت بعطر اللهفة إليه، وعرفت موعد الطائرة، وجلست تنتظر.. وإذا به قادم من بعيد... ما هذا؟ إنه لا لالالا إنه ليس هو. لا إن عيني لا تخطئ سيفًا، ولكن ما هذا الذي في يده عربة أطفال لا بد أنها هدية لأحد، ومن هذه التي تتأبط زراعه؟ إن العربية بها طفل.. يا الله إن قدمي لا تحملائي.. وما إن رأها حتى ابتسم.. عجبًا لقد جاء ليسلم عليها:

-ازيك يا نهي اني مستنية حد ولا إيه؟

..هه..

-أه نسيت اعرفك، عادة مراتي، ودي بنتي نهي سميتها نهي على اسم أعز حد على قلبي.

خرجت نهي من المطار وقد غامت الدنيا في وجهها ومادت الأرض تحت قدميها.

وبمرور الوقت حاولت أن تتماسك وتتنامى هذا الجرح الغائر. وما إن بدأت تعود للحياة مرة أخرى حتى فوجئت بهاتفها يدق لم تصدق عينها عندما رأت اسمه على شاشة الهاتف. ضغطت على الزر بأصابع مرتعشة وأجابت:

-ألو..

-وحشيتي.

-إنت ليك عين تطليبي بعد كل اللي عملته انت إيه!

-أنا في ورطة ومالبش حد غيرك، أرجوكي انقذيني.

انهارت قواها أمام صوته المتوسل. وارتدت ملابسها على عجل لتقفز في أول سيارة توصلها إليه في العنوان الذي أعطها إياه في الهاتف.

وعندما دخلت وجدته شاحب الوجه مرتعدًا فسألته:

-في إيه ياسيف مالك انت كويس بنتك حصلها حاجة؟

-لا بس انا ...

-بس إيه اتكلم.

ولم يفتح فمه ليحييها حتى سمعت تأوهات قادمة من الداخل، فتركته وركضت مسرعة نحو مصدر الصوت لتجد شابة ملقاة على سرير الغرفة، باردة الجسد وحولها آثار نزيف شديد

فنتظرت له متسائلة:

-إيه ده مين دي وحصلها إيه؟

-دي دي..

-اتكلم ارجوك.

-دي هبة مراتي.

-بس مش دي اللي شفتها معاك في المطار.

-دي هبة مراتي الثانية اتجوزتها في السر من ورا عادة.

- مش وقته دلوقتي هبة كانت حامل وانا أجبرتها تعمل إجهاض عشان جوازنا في السر ولازم يفضل في السر.

- وايه اللي غاصبك؟

- أصلها بصراحة بنت مسؤل كبير وانا محتاج نفوذ ابوها عشان شغلي.

- انت ايه مش ممكن يكون في حد أحقر من كده..

- يعني مش هتساعديني؟

- هنزل اجيب دكتور.

- وعندما داست أقدامها أرض الشارع، أمسكت هاتفها وطلبت رقمًا، وما إن جاءها الرد حتى قالت: ألو بوليس النجدة، من فضلك عايزة ابلغ عن جريمة شروع في قتل.

وأشعلت سيجارتها، وانتظرت قدوم البوليس للرجل الذي كادت أن تفديه بحياتها منذ لحظات.

* * *

(21)

بيرنا

دُعيت في إجازة عيد الفطر لقضاء بعض الوقت في إحدى قرى الساحل الشمالي، تلك الأماكن التي أعتبرها أنا تخيل مصغراً لما يرحوه الإنسان في الجنة: حيث الهواء الرائق والبحر فيروزي الصفاء، والسماء تخلو من السُحُب والأرض المنبسطة والأشجار الظليلة مكان اجتمع فيه كل ما يبهج النفس.

ولكن، لأن نفسي لا تميل للبهجة بطبعها، فلم يلقت نظري من وسط كل هذا النعيم إلا هي (بيرنا)، فتاة فلبينية جئت للعمل كخادمة في الجنة.

أول ما رأيتها، كنت أسير على الممشى المؤدي للبحر قرب منتصف الليل، نعم فهناك لا فرق بين الليل والنهار بفضل الأمن المتوافر بكثرة.

رأيتهما تجلس على حافة قانم حجري ممسكة بعلبة طعام لطفل عنيد بأبي الطعام وهي تتحدث من بين دموع غزيرة بلغة لا هي عربية سليمة ولا هي إنجليزية ركيكة.

فكشفت المسكينة عن ذراعين شديدي الالتهاب وبهما أماكن بها حروق من الدرجة الثانية والثالثة.

- مدام -إحرق بيرنا عشان مهمل.

-انتي لازم تبليغي البوليس مافيش حاجة اسمها كده.

-لا مدام بليز أنا محتاج شغل انا مش عاوز روجي سجن.

-سجن ايه انتي ليكي حق وممكن تسيبي الشغل عندها وتروحي مكان تاني.

وبعد حوار طويل، علمت منها أن "مدام هنا" أفضل من عملت معهم، حيث كانت تعمل في دبي في السابق، وكانت تتعرض للتعذيب والاعتصام والتجوع وهربت بأعجوبة، وأنها تحتاج للعمل من أجل إطعام وتعليم صغارها الذين ينتظرون المال في الفلبين ليكملوا حياتهم هناك، بينما هي تدفع من إنسانيتها وأدميتها يوماً بعد يوم.

وعلمت أيضا أنها تتحمل التعذيب لدى مخدمتها لأن الأجر مرتفع وهي تحتاج المال، وطبيعة عملها هو خدمة طفل مدلل مشاكس، إذا بكى لأبي سبب تُعاقب هي، وإذا رفض الطعام تعاقب، وإذا تعثر أو كسر شيئاً تُعاقب.. تخيل أن هذا العمل بالضبط كمن يطلب منك تجميع الهواء في زجاجة مكسورة ويحاسبك على الفاقد.

بيرنا تعمل في هذا النوع من العمل منذ أكثر من عشر سنوات، ذاقت خلالها مالم يذقه سجينو جوانتانامو، والغريب أنها أصبحت تخاف جدا ممن يصلون، وعندما سألتها لماذا أجابت أنها كانت تعمل بالسعودية

ترجوو الطفل أن ينهي طعامه لأنها إن عادت بعلبة الطعام سيكون عقاب السيدة قاسياً وهي لا تتحمله، والطفل لا يمي ما تقول، هو فقط يريد اللعب، وما إن ضجر من محاولاتها فرَّ هاربا ليلعب مع أقرانه، بينما انهارت هي في بكاء شديد.

ومن نواحيها فهمت أنها ستعقب مجدداً من سيدتها لأن الطفل لم يمه وجبته، فاقترت منها لعلِّي أستطيع أن أخفف عنها قليلاً.

وما إن اقترت حتى بدا عليها الإنزعاج والخوف في آن واحد، وصاحت على الفور

-مدام انا مش اضرب بيبي مدام هو مش أوز ياكل، هو مش جعان بليز مش تقول لمدام هنا.

فأجبتها لأطمئنها: أنا معرفش مدام هنا ومش مهم البيبي ياكل.

فتغيرت ملامحها قائلة: انت مش إعرف مدام هنا؟

-لا معرفباش بس لو تحبي اكلمها أوكي.

-لالالالالال أرجوك مدام أنا مش أوز اقطع عيش إنا.

-طيب متخافيش انتي بتعطي ليه؟

-كل يوم مدام أوامر انا لازم بيبي يخلص أكل، بيبي اللعب كثير ومش اقدر خلص أكل عشان أكل كثير، مدام شوف أكل مش خلص عاقب بيرنا مية سخنة على إيدين أنا.

-نعم !!! مية سخنة يعني إيه؟

لدى سيدة كثيرة الصلاة، وما إن تنهي صلاتها حتى تلمطمها على وجهها وتشد شعرها وتجرها على الأرض .

وفي نهاية الحديث سألتني سؤالاً عجيبيًا:

-مدام انت مسلم ؟

-أبوة أنا مسلمة .

-هو إسلام قال لازم إضرب بيرنا.

-اجبتها في مرارة غص بها حلقي: لا يا بيرنا، الإسلام جميل يس في ناس وحشين بيرنا أعدل وأرحم من انه يغلي إنسان يعذب إنسان.

ابتسمت إبتسامة فهمت منها أنها غير مقتنعة أو مصدقة لكلامي، وعندما قلت لها أن قهوتها على حسابي، أعادت عليّ السؤال:

-مدام انت مسلم !!!!!!!

حقًا لقد ظلمنا الإسلام معنا كثيرًا وأتمنى أن يسامحنا الله.

كل حرف حقيقي ..

بيرنا لسة موجودة هناك وتتعاقب كل يوم ..

* * *

(22)

بجها وهتجوز اختها

عندما أشعر بالضيق من أمرٍ ما أو يعيني التفكير في أمرٍ ما، أرتدي ملابسني وأتوجه لشوارع القاهرة، حيث ينسني الزحام والطرقات ما يتعب ذهني.

وفي هذا اليوم وأثناء سيرني بأحد شوارع منتصف المدينة، مرت أمام عيني جملة عجيبة نهيت حواسي كلها ولم أستطع أن أتركها تمر هكذا، هالك الجملة لتتعجب مثلي.

"بجها وهاتجوز اختها" كانت مكتوبة على إحدى سيارات التاكسي، إنها تختلف عن كل ما كُتِبَ وسيُكتَب على سيارات المصريين.

فقلت لنفسي: وما الداعي للحيرة طالما أستطيع أن أسأل.

جددت في السير لألحق بالسيارة، وما إن صرت بمحاذاتها حتى هتفت: "تاكسي"

توقف السائق ليسألني عن وجهتي، وبدوري اخترت أبعد مكان ممكن حتى أتمكن من سماع قصة الجملة الغربية: مدينة نصر ياسطى.

- إتفضلي يا أبله.

السائق شاب مصري صميم، أسمر البشرة، نحيل الجسم، يرتدي نظارة
شمس بالرغم من غياب الشمس من ساعتين، يستمع إلى بعض الأغنيات
الكنيية التي تناسب مع وجهه المكفر.

أردت أن أدخل في صلب الموضوع فوراً فأرسي يطحنها الفضول:

أنا: إحم عربيتك دي ياسطى ولا شغال عليها؟

السواق- لا عربيتي دي شقا 5 سنين في السعودية .

- خمس سنين يااااااااه رينا يعينك ياسطى بس هو ممكن سؤال؟

- اتفضلي.

- انت ال كاتب بحبها وهتجوز اختها ولا دي حركة يعني؟

- لا انا اللي كاتبها - صوته هنا قرب ع العياط-

- طيب وهل حصل ذلك جداً فعلاً -بحاول الحلّف الجو عشان افهم-

- شو في يا أبله اني شكلك بنت بلد وانا اسريحتهك دي قصة طويلة.

- إحكي ياسطي الطريق طويل والدينه زحمة زي مانت شايف.

- شو في يا ستي، البنت اللي عليها القصد حاجة كده زي الفاكهة

الصابحة، أنا كنت حاطط عيني عليها من وهي لسة بنت 14 سنة بس بقي

كان ساعها العين بصيرة والإيد قصيرة وابوها راجل مقتدر عنده بيتين

ملك وببيتي عمارة وأنا مش في إيدي حاجة قُلْتُ لنفسي ياض هتقعد

تحبها في صمت لحد ما يعي ال يخطفها منك لازم اعمل حاجة.

- وعملت إيه؟

- قررت اسافر لسعودية اعمل قرشين عشان اعرف اخطبها وانا إيدي
مليانة، قلت هشتغل سنة وابعث اشبكيها وربنا يكرم.

- حلو أوي.

- لا مش حلو عشان انا قبل ما اسافر وريتها لأخويا الأصغر مني وقولتله

الموزة أمانة في رقبتهك حافظ عليها، ولو حسيت ان في حد هيتقدمها ولا

حاجة ابعثلي وسافرت وأنا مش واخذ خوانة. بعد سنة بعث لأخويا

فلوس وقولتله ياخذ الحاجّة ويروح يخطبها لي عشان معنديش أجازات

راح ابن الحرام خطبلي اختها الكبيرة وخطبها هي لنفسه.

وانا هناك متغفل ومش فاهم حاجة وامي بعثت تقولي خطبنالك بنت

متولي كنت هتجنن من الفرحة .

- وبعدين ياسطى كتّل.

- أبدأ ياستي، قعدت اشتغل كمان سنة عشان الجهاز والعفش وكده

وموتت نفسي في الشغل عشان ابقي أدها، والله يا ابله كنت بقعد

بالأسبوع عايش على كيس شيبسي عائلي وقطعتين خبز. أه مانا لازم

احوش كل قرش لحد ما ابوها قال الخطوبة كده طولت اعمل حسابك

تنزل عشان كتب الكتاب .

- طيب وطول الفترة دي معقول يعني مكرمتهاش في التليفون ولا عرفت

للخبطة دي.

الفهرس

- إهداء.....5
- مقدمة.....7
- جميلة.....9
- سواق توكنوك في نابولي.....13
- بيكاديلي الإسكندراني.....17
- سائق مصري.....19
- هي والا امها.....23
- جاري الحزين.....27
- صاحبة الوشم الخليلج.....31
- عائلة مختار سيرتو.....35
- سلوى.....39
- الله يحرقك يا سعيد.....43
- حيرة.....47
- حب.....49

- والله يا أبله اخويا الله يسامحه خلاها كلمتني في التليفون ع اساس تسلم
عليا وانتي عارفة المكالمات الدولي بتبقى قصيرة وغالية. سمعت صوتها
وكنت طاير يادوب ازك وعاملة ايه وبس.

- ها كمل طيب حصل إيه لما نزلت عشان كتب الكتاب؟

- أنا نزلت يوم ثلاث عشان كتب الكتاب الخميس يوم الأربعاء، رحتم سلمت
على ابوها في السريع كده ومضيت ع قايمه اللي بتمضي قبل كتب
لكتاب.

- وتاني يوم رايح بقى وخلص هحقق حلمي ألاقي إسم اختها هو اللي
بيتقال معرفتش انطق لأن اخويا كان خلاص كتب عليها قبلي واتدبست
وخلص. وانا لا طايق اخويا ولا اختها ولا العيشة واللي عايشينها.

- طيب لو سمحت ياسطى رجعتي شبرا.

- ليه يا أبله مش رايحة مدينة نصر؟

- لا بس كنت عاوزه اعرف حكايتها هي واختها.

وعندما نزلت من السيارة سألت نفسي: لماذا نتعجب من غرابة القصص
في الكتب، فلابد أنها مستوحاة من واقع أغرب.

* * *

53.....	جحود.....
57.....	سكر.....
59.....	صانع الیغوت.....
63.....	عطر.....
67.....	وجع.....
75.....	معدية.....
79.....	البرنس.....
91.....	سیف.....
99.....	بیرنا.....
103.....	بحیها وهتجوز اختها.....

ناس محطوط عليها

ساعات نشوف حكايات في السينما نقول مبالغة
بس الحقيقة بتكون أكبر من إننا نتخيلها كل
واحد فينا جواه قصة عايشها ممكن تبان لناس
عادية وناس تانيين يشوفوها عجيبة اللي بيفرق
هنا احساسنا بكل حكاية.. جايز متصدقش
الحكايات اللي في الكتاب ده وممكن تلاقي
حكايتك او حكاية حد قريب منك فيها
بس الأكيد انها ... حكايات حقيقية
هكذا تكلم المحطوط عليهم .

